

18  
Bosna i Hercegovina  
Federacija Bosne i Hercegovine  
KANTON SARAJEVO  
Vlada



Р.Б.З  
Босна и Херцеговина  
Федерација Босне и Херцеговине  
КАНТОН САРАЈЕВО  
Влада

Bosnia and Herzegovina  
Federation of Bosnia and Herzegovina

CANTON SARAJEVO  
Government

Broj: 02-04-7030-3/21  
Sarajevo, 04.03.2021. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi prečišćeni tekst i 37/14 – Ispravka), člana 9., a u vezi sa članom 1. Pravilnika o organiziranju i načinu rada Kriznog štaba Federalnog ministarstva zdravstva („Službene novine Federacije BiH“, broj: 10/12) i u vezi sa Odlukom Ustavnog suda Bosne i Hercegovine (AP 3683/20 od dana 22.12.2020. godine) („Službene novine Federacije BiH“, broj: 16/21) Vlada Kantona Sarajevo, na **22. vanrednoj** sjednici održanoj **04.03.2021.** godine, donijela je

## ZAKLJUČAK

1. Zabranjuje se okupljanje u grupama većim od 30 lica u zatvorenom i na otvorenom prostoru;
2. Zabranjuju se sva okupljanja u privatnim objektima u grupama većim od 10 lica (svadbe, rođendani, proslave i drugi porodični skupovi slične prirode);
3. Zabranjuje se muzika uživo u ugostiteljskim i hotelijerskim objektima;
4. Zabranjuju se posjete osobama smještenim u ustanovama koje zbrinjavaju i smještaju starije osobe;
5. Naređuje se obavezno propisno nošenje zaštitnih maski preko usta i nosa za zaštitu respiratornog sistema, u zatvorenom i na otvorenom prostoru osim za:
  - djecu mlađu od 7 godina,
  - učenike osnovnih škola od 1. do 5. razreda tokom obavljanja nastave u učionicama,
  - lica sa invaliditetom i djecu sa poteškoćama u razvoju,
  - lica koja obavljaju fizičku, sportsku i rekreativnu aktivnost;
6. Naređuje se da organizovanje takmičarskih aktivnosti sportskih organizacija i sportista bude isključivo bez prisustva publike, uz poštivanje svih epidemioloških mjera;
7. Naređuje se javnim zdravstvenim ustanovama primarnog nivoa zdravstvene zaštite da se izolacija za potvrđene COVID pozitivne osobe i nepotvrđene osobe za koje postoji sumnja na zarazu, odnosno članove istog domaćinstva, odredi u obaveznom trajanju od 14 dana;
8. Naređuje se svim tržnim centrima, trgovinama na malo i veliko van tržnih centara, ugostiteljima i hotelijerima i pružaocima ostalih uslužnih djelatnosti obavezno određivanje COVID redara iz reda uposlenika, koji će biti zaduženi za nadzor nad sprovođenjem svih epidemioloških mjera;



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387(0)33 562-068, 562-070  
Fax: + 387(0)33 562-211  
Sarajevo, Reisa Džemaludina Čauševića 1



9. Naređuje se trgovinama na veliko i malo, pružaocima ostalih uslužnih djelatnosti, subjektima koji pružaju usluge iz oblasti hotelijerstva, ugostiteljstva, umjetnosti i zabave (kina, pozorišta, muzeji i sl.) da na ulazu u objekat postave obavještenje o ukupnom broju lica koja mogu boraviti u objektu, u odnosu na njegovu površinu, računajući da je za svaku osobu potrebno 7 m<sup>2</sup> neto, a ne više od 30 lica. Tržni centri su dužni postaviti obavijest o ukupnom broju lica, zbirno po svim subjektima u sklopu tržnog centra;
  10. Naređuje se svim pravnim licima i obrtima da prilikom obavljanja svojih djelatnosti vrše svakodnevnu dezinfekciju i pojačanu higijenu svojih poslovnih prostorija, te da dezinfekciju i pojačanu higijenu mogu i samostalno obavljati, uz obavezno vođenje evidencije koja je jasno istaknuta u objektu;
  11. Naređuje se svim organima uprave, organima jedinica lokalne samouprave i ostalim subjektima koji vrše javna ovlaštenja da organizuju svoj rad sa građanima na način da:
    - na ulazu u službene prostorije ograniče broj osoba koje istovremeno mogu da uđu i borave u prostorijama,
    - održavaju rastojanje u zatvorenim prostorima od najmanje dva metra, uz blagovremeno preduzimanje mjera dezinfekcije i pojačane higijene,
    - omoguće rad šalter sale i matične službe u jedinicama lokalne samouprave uz obezbjeđenje fizičke providne barijere na radnom mjestu koja pruža dovoljnu zaštitu zaposlenom i korisniku;
  12. Naređuje se javnim prijevoznicima čišćenje i dezinfekcija vozila najmanje dva puta dnevno, a između vožnji prozračivanje unutrašnjosti vozila;
  13. Naređuje se javnim prijevoznicima da obezbijede prisustvo COVID redara u vozilima sa ciljem osiguranja pridržavanja mjera;
  14. Naređuje se javnim prijevoznicima postavljanje fizičke barijere između vozačkog mjesta i putnika (od pleksiglasa ili slično), a ako isto nije moguće, prvi red sjedala iza vozača ne smije se koristiti za prijevoz putnika;
  15. Naređuje se upraviteljima zgrada, poslodavcima i predstavnicima javnih ustanova i javnih preduzeća redovito dezinficiranje svih zajedničkih površina (rukohvati, liftovi, radne površine, sanitarni čvorovi i slično);
  16. Naređuje se svim poslodavcima da zabrane dolazak na radna mjesta radnicima koji imaju povišenu tjelesnu temperaturu, smetnje sa dišnim organima, a posebno suhi kašalj i kratki dah, a u situacijama gdje je to moguće da:
    - smanje fizički kontakt između radnika,
    - uvedu rad od kuće,
    - uvedu klizno radno vrijeme,
    - organizuju rad u smjenama, odnosno skupinama,
    - smanje broj fizičkih sastanaka na najmanju moguću mjeru,
- kao i da redovito provjetravaju prostore u kojima radnici borave i zadržavaju se;
17. Naređuje se povećani broj testiranja putem Antigen Rapid Covid testova za radnike u zdravstvu i radnike u školama koji poslove realiziraju u prostorijama škole;
  18. Nastava za sve učenike osnovnih i srednjih škola se odvija prema posebnoj uputi Ministarstva za odgoj i obrazovanje Kantona Sarajevo;
  19. Izuzetno od tačke 1. ovog zaključka dozvoljava se održavanje sjednica i radnih tijela Skupštine Kantona Sarajevo, općinskih vijeća i Gradskog Vijeća Grada Sarajevo, uz poštovanje higijensko-epidemioloških preporuka Zavoda za javno zdravstvo Kantona Sarajevo, kao i pod uvjetom da veličina prostora u kojem se održavaju sjednice omogućava provedbu donesenih mjera, u smislu osiguranja 7 m<sup>2</sup> neto za svako lice;

20. Zadužuju se komunalni redari da pruže podršku Kantonalnoj upravi za inspeksijske poslove Kantona Sarajevo u kontroli sprovođenja donesenih mjera;
21. U skladu sa odredbama člana 8. stav (5) tačka m), a u vezi sa članom 13a. Zakona o prekršajima protiv javnog reda i mira ("Službene novine Kantona Sarajevo", broj: 18/07, 7/08 i 34/20), za provođenje mjere iz tačke 5. ovog zaključka zadužuje se Uprava policije Ministarstva unutrašnjih poslova Kantona Sarajevo, kao i za kontrolu kretanja lica iza 23h, u skladu sa odredbama člana 8. Stav (5) tačka d) istog Zakona, dok će kontrolu sprovođenja ostalih mjera iz ovog zaključka kao i mjera propisanih Naredbom Kriznog štaba Ministarstva zdravstva Kantona Sarajevo broj: 10-33-4316-1/21 od 24.02.2021. godine vršiti Kantonalna uprava za inspeksijske poslove Kantona Sarajevo;
22. Za realizaciju tačke 17. ovog zaključka zadužuju se JU Dom zdravlja Kantona Sarajevo i JU Zavod za javno zdravstvo Kantona Sarajevo;
23. Ovaj zaključak stupa na snagu danom donošenja, a primjenjivat će se od 05.03.2021. godine do 15.03.2021. godine i objavit će se u "Službenim novinama Kantona Sarajevo".



PREMIJER

Edin Forto

## Dostaviti:

1. Predsjedavajući Skupštine Kantona Sarajevo,
2. Zamjenicima predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstva Kantona Sarajevo (12x),
5. Službe Kantona Sarajevo (9x),
6. Zavodi (5x),
7. Uprave (2x),
8. Fondovi (4x),
9. Krizni štab Ministarstva zdravstva Kantona Sarajevo (putem Ministarstva zdravstva),
10. Svim javnim ustanovama Kantona Sarajevo (5x) (putem Ministarstva za odgoj i obrazovanje, Ministarstva za visoko obrazovanje, nauku i mlade, Ministarstva zdravstva, Ministarstva za rad, socijalnu politiku, raseljena lica i izbjeglice i Ministarstva kulture i sporta),
11. Svim javnim preduzećima Kantona Sarajevo (4x) (putem Ministarstva saobraćaja, Ministarstva komunalne privrede, infrastrukture, prostornog uređenja, građenja i zaštite okoliša, Ministarstva pravde i uprave i Ministarstva privrede),
12. Uprava policije (putem Ministarstva unutrašnjih poslova),
13. KJKP "GRAS" (putem Ministarstva saobraćaja),
14. Centrotrans d.o.o Sarajevo (putem Ministarstva saobraćaja),
15. Agencija za privatizaciju Kantona Sarajevo,
16. Za objavu "Službenim novinama Kantona Sarajevo",
17. Evidencija,
18. A r h i v a.



web: <http://vlada.ks.gov.ba>  
 e-mail: [vlada@vlada.ks.gov.ba](mailto:vlada@vlada.ks.gov.ba)  
 Tel: + 387(0)33 562-068, 562-070  
 Fax: + 387(0)33 562-211  
 Sarajevo, Reisa Džemaludina Čauševića 1

